



UNIVERSITÄTS-
BIBLIOTHEK
PADERBORN

Nucleus Juris Canonici

Thenhaven, Bernhard

Coloniæ Agrippinæ, 1739

Widmungen

[urn:nbn:de:hbz:466:1-63382](https://nbn-resolving.org/urn:nbn:de:hbz:466:1-63382)

Reverendissimo, Excellentissimo,
& Illustrissimo DOMINO,
D. FRIDERICO
CHRISTIANO,

*Ecclesiarum Metropolitanae Coloniensis
Archi-Diacono Majori: Cathedralium
Paderbornensis, Hildesiensis & Monaste-
riensis respectivè Praeposito, Scholastico
& Canonico Capitulari: Collegiatarum
Susatensis ac Mesehedensis Praeposito: Suae
Serenitatis Electoralis Coloniensis intimo
& Conferentiarum Consiliario: Commen-
datori Ordinis S. Michaëlis Archangeli:
Diocesis Paderbornensis Pro-Principi,
&c. &c.*

Reverendissimo ac Illustrissimo
DOMINO,
D. HUGONI FRAN-
CISCO,

*Cathedralium Ecclesiarum Paderbornen-
sis, Hildesiensis & Monasteriensis re-
spectivè Thesaurario, Archi-Diacono
& Canonico Capitulari: Serenissimi Ele-
ctoris Coloniensis quæ Principis Hilde-
siensis Consiliario intimo, &c. &c.*

Re

Reverendissimo & Illustrissimo
DOMINO,
D. FRANCISCO
EGON,

*Ecclesiarum Paderbornensis, Hildesiensis
ac Monasteriensis Canonico Capitulari,
& Cathedralis Halberstadiensis Canonico
Domicellari: Serenissimi Electoris Colo-
niensis, quæ Episcopi Monasteriensis per
Civitatem & Diæcesin Monasteriensem
in Spiritualibus Vicario Generali ac Si-
gillifero, &c. &c.*

Excellentissimo ac Illustrissimo
DOMINO,
D. CHRISTIANO FRAN-
CISCO THEODORO,

*S. Cesareæ ac Catholice Majestatis Came-
rario & Consiliario Aulico: Sua Sereni-
tatis Electoralis Coloniensis Consiliario in-
timo: Satrape hereditario in Bilstein,
Waldenburg & Fredeburg: Deputato
Statuum Westphaliæ: Advocato heredi-
tario in Graffschafft & Ewig: Dynastæ
in Horst & Oberkirchen: Toparchæ in
Homburg, Drren, Grandville, &c. &c.*

Commendatori Ordinis S. Michaëlis Archangeli: Domino Hereditario in Schnellenberg, Herdringen, Adolfsburg, Böse, Jchterloh, &c. &c.

Ex antiquissima LL.BB. de Fürstenberg Familia,

Nobilissimo Fratrum Germanorum Quaternioni, & Illustrissimo Quadrumviratui omni, quâ par est, reverentiâ

Nucleum hunc Canonicum

D. D. D.

Provincia Saxoniae S. Crucis

FF. Min. Strict. Observ.

Reverendissimi, Excellentissimi, Illustrissimi Domini,

Domini perquam Gratosi, &c.

Ne miremini Reverendissimi, Excellentissimi & Illustrissimi Domini, quòd quaternos Vos Germanos Fratres Nobilissimos Quadrumviros eligere præsumam hujus Nuclei mei Canonici Atlantes & Patronos, sub quorum auspicio publicam lucem aspi-
ciat, præsidio protegatur, auctoritate con-
ser-

DEDICATIO.

servetur; concredita namque iterato exi-
 litatis meæ gubernio Provincia Saxoniae
 S. Crucis Fratrum Minorum S. Francisci
 Strict. Observ. maximis obligationum ti-
 tulis Excellentissimæ, Illustrissimæ & An-
 tiquissimæ Baronum de Fürstenberg Fa-
 miliae (è qua tanquam ex equo Trojano
 prodiere tot æquitatis Antistites, Capitu-
 lorum Perillustrium Præfides, Ecclesia-
 rum Prælati; quot nomina, tot jurium
 Censores, tot Canonum fulcra, tot justitiæ
 Dictatores; quot nomina, tot absoluta
 æquitatum & virtutum omina) nullo non
 tempore est obstrictissima. Testatur hoc
 præter Conventus reliquos antedictæ
 Provinciae, præprimis Conventus Pader-
 bornensis, (enucleati laboris mei officina)
 gloriosis gaudens cineribus Reveren-
 tissimi & Celsissimi Domini, D. Ferdinan-
 di, Diocesium Paderbornensis & Mona-
 steriensis quondam Episcopi, & S. R. I.
 Principis, Gloriosissimi Vestri Pro-Patruis,
 in medio Chori FF. Min. Paderbornen-
 sis Ecclesiae honorificentissime tumulati,
 quem ut Fundatorem & Benefactorem
 suum munificentissimum memoria colit
 & retinet non intermoritura. Quid plura?
 Innumera Illustrissimæ Familiae Fürsten-
 bergicæ beneficia abundantissime hacte-
 nus dimanata in Ordinem nostrum Sera-
 phicum,

DEDICATIO.

phicum, præcipuè in minimam Saxoniam S. Crucis Provinciam, (quæ certè in pluribus forsan suis Conventibus, Paderbornensi signanter, Warendorpiensi, Hardenbergensi & Afchendorpiensi Insigniis Fürstenbergiacis singulariter illustratis, non ita staret aucta & recta, nisi gemina Illustrissimi Stemmatis Fürstenbergici trabe seu basi niteretur erecta & protecta) verecundo magis silentio, quàm contrario modestiæ Fürstenbergicæ eloquio Posteritas Franciscana deprædicabit. Pace interim Vestra Reverendissimi, Excellentissimi & Illustrissimi DD. Quadrumviri Nucleum hunc meum quadrariam dividens R. mis Excell. mis & Ill. mis Gratiis Vestris in debitæ gratitudinis mnemosynon dico ac dedico. Et Tibi quidem R. me Excell. me & Ill. me Domine, D. FRIDERICE CHRISTIANE, R. mi ac Ill. mi Capituli Cathedralis Paderbornensis & Collegiati insignis Sufatensis ac Meschedensis Præposite dignissime, Diocesis Paderbornensis Pro-Princeps vigilantissime, &c.

LIBRUM PRIMUM configno, utpote *de Prælati Ecclesiasticis* agentem, Dignitati Præposituræ cum primis proprium, de qua seu Dignitatis, seu Virtutum Tuarum in Prælatura relucentium excellentia, si

verba

DEDICATIO.

Verba mihi facere liceret ampliora, profectò laudum campus pateret amplissimus, nisi modestia Tua, cui laus propria molesta nimis est & ingrata, & affectum meum reprimeret & calamum cohiberet. Sanè ex singulari Divini Numinis providentia in hisce Dignitatum fastigiis constitutus esse videris, ut perspicias omnia, prospicias singulis; veram namque & vivam Prælati ideam & imaginem diversæ Diœceses, præ cæteris Paderana, in Ill.^{ma} persona Tua gratulabundè venerantur, continua exinde tum in spiritualibus, tum in temporalibus emolumenta copiosè in sese dimanatura omine non vano augurantes.

LIBRUM SECUNDUM *de Judiciis, seu modis justitiam administrandi* tractantem, reverenter attribuo Tibi Reverend.^{me} & Ill.^{me} Domine, D. HUGO FRANCISCE, Cathedralis Ecclesiæ Monasteriensis Thesaurarie, &c. Vir æquitatis integerrimæ, dans cuique, quod suum est, ab Æquatore non recedens, semper omnibus idem, justitiæ præsertim distributivæ bilancem in neutram magis partem inclinans, sed justa constantis ac liberalioris animi trutina tam ad proximum rectus, quàm ad Superos erectus: suum cuique tribueus, tam *Thesuros Ecclesiasticos,*
)(s (quod

DEDICATIO.

(quod Tuum quâ *Thesaurarii ex dist. 25. cap. 1. in fine* officium est) providè custodiens, quàm aliunde Tibi ex proventibus Ecclesiasticis fructus obvenientes debite distribuens. Superis das animum in choro, proximo indigo manum liberalem in foro: DEO amorem, egeno favorem; charitatem DEI & proximi ex æquo dividens; mente promptissimâ atque devotâ administrans seu sacrificans sacrificium justitiæ distributiæ.

LIBRUM TERTIUM *de vita & honestate Clericorum* eorûmque juribus ac obligationibus, dum inchoo, Te spectat & justè expectat labor meus R. me & Ill. me Domine, D. FRANCISCE EGON, Serenissimi Electoris Coloniensis quâ Episcopi Monasteriensis per Civitatem ac Dioccesin Monasteriensem in Spiritualibus Vicarie Generalis ac Sigillifer, &c. qui non minùs sapientiâ, providentiâ, variisque scientiarum generibus, quàm virtutis constantiâ, integritate vitæ ac honestate clarissimus in Generalis Vicariatûs officio lues ut Sol inter sidera, à quo Clerus omnis, ut cælestis siderum chorus à Sole suum mutuatur splendorem vitæ honestioris, continuet cursum, & gratiarum influentias latius diffundat. A Montibus descendit lumen in valles, (mentes) dum Tu R. me &

DEDICATIO.

& Illustrissime Domine, forma Cleri & gregis factus ex animo; Amplissimæ Diocesis Monasteriensis Clerum juxta S. Ecclesiæ Canones constanter informas, auctoritate defendis, moribus instruis, & ad omnem Ecclesiasticæ honestatis ac decentiæ Regulam tum exemplo præclariorre, tum verbo simul & præscripto continuas ædificare, æqui rectique constantissimus.

LIBRO QUARTO *de Sponsalibus & Matrimonio*, ac QUINTO *de Criminibus eorumque pœnis* non incongruè præfigo Excellentissimum ac Ill.^{mum} Dominum, D. CHRISTIANUM FRANCISCUM THEODORUM, Sacræ Cæsareæ ac Catholicæ Majestati, nec non Suæ Serenitati Electorali Colonienfi respectivè à Cubiculo & Consiliis quâ Aulicis quâ intimis actualibus, Satrapam hæreditarium in *Bilstein, Walden & Fredeburg, &c.* utpote qui in triplici à cælis ter benedicto Matrimonio abundante Charismatum vite, velut Mons Ephraim, id est, frugifer, cum tot florentibus olivarum novellis per varias Europæ partes olim dulcedinem suam distillaturis feliciter Benedictus à Domino; ac in Satrapiis sibi commissis zelator justitiæ, mali & vitiorum vindex æquissimus; avitarum virtu-

tura

DEDICATIO.

tum æmulator constantissimus; zelo fidei orthodoxæ, in egenos & afflictos misericordiâ, erga Religiosas Familias, præcipuè pauperum Franciscanorum benevolentiam clarissimus; in liberalium artium disciplinis ac utroque jure versatissimus; virtute autem, honore & gloriâ illustrissimus, dum ad Generis splendorem propter ingenitarum virtutum præstantiam Sacra Cæsarea & Catholica Majestas Aulae Consilarii honorem adjunxit; quem Dominus sibi suisque omnibus diu conservet sospitem, gloriâ constantem, famâ immortalem; sic enim jure meretur Mons, in quo beneplacitum est DEO, Mons Montium seu Montium Princeps.

Quarum aliarumque Generis Illustrissimi laudum & virtutum splendor tam suaviter meum perstringit animum, tam graviter astringit calamum, tam fortiter obstringit utrumque, ut Nucleum hunc Juris Canonici, in Conventu Paderbornensi enucleatum laborem meum, multis aliâs titulis Ill.^{mæ} Familiæ Fürstenbergicæ prætaeti Conventus Fundatrici debitum, Nobilissimo Fratrum Germanorum Quaternioni omni, quâ decet, reverentiâ inscribam, offeram, dedicem; non ut summo me gratudinis debito exsolvam, sed arctius Ill.^{mæ} Fürstenbergia-
dum

DEDICATIO.

dum Familiæ me cum tota mihi concre-
dita Provincia obstrictum profitear. Nu-
cleus quidem est, fateor, quem offero,
Illustrissimi Quadrumviri, sed in quo
omnes ferè Juris Canones exegeticè enu-
cleati, Opus perexiguum & debile, ast
materiis grave; Illustrissimo honori tantì
Stemmatis impar; sed splendore Vestro
illustrabitur, favore magnificabitur, tra-
bali Gentilitio robore fulcietur.

Respicite ergo, dum Nucleus isthic
meus Juris Canonici in lucem & con-
spectum Vestrum prodit, respicite, in-
quam, gratiosè Ill.^{mi} Quadrumviri, non
tam ad Opus, quàm ad affectum in illo
enucleatè relucentem.

Æternum est gratitudinis Francisca-
næ monumentum, constantis obligatio-
nis nostræ monumentum, devotissimum
totius Provinciæ meæ memoriale & ar-
gumentum erga Illustrissimam Fami-
liam Fürstenbergicam: Quam DEUS
Ter Optimus Maximus ad sui gloriam,
Ecclesiæ Orthodoxæ ornamentum, va-
riarum Dicecesium splendorem ac Pa-
triarum utilitatem, Ordinis Seraphici
tutelam & augmentum in feris Poste-
ris clementissimè conservare dignetur
incolumem.

Ita

DEDICATIO.

Ita cum tota Provincia Saxoniae S. Crucis DEUM jugiter exoratura animitus precatur & vovet

*Reverendissimarum, Illustrissimarum
& Excellentissimarum Vestrarum
Dominionum*

Infimus Servus

F. Bernardinus Thenhaven,
Minister Provinciae Saxoniae
S. Crucis.

Dabam Paderbornz, in Conventu
FF. Min. Strict. Observ. ad S. Jose-
phum, die 4. Septemb. 1738.

Reve-

Reverendissimo Patri,
P. tri M A R T I N O
P U T E A N U S,

SS. Theologiae Lectori Jubilato, Almae Provinciae Germaniae Inferioris Fratrum Minorum S. Francisci Recollectorum Ex-Ministro Provinciali ac Patri perpetuo, super Provincias Germaniae Superioris ac Belgij, Hiberniae, Angliae, Scotiae, Daciae & annexas cum plenitudine potestatis, in utroque Foro Commissario Generali dignissimo ac meritissimo, &c. &c.

Reverendissime Observandissimeque Pater!

Juxta paradoxum simul & verum Romani Sapiientis Senecae effatum (nullo scilicet rem, aut sapientiam, ut ut eximiam aut salutarem, esse delectabilem, si proprio tantum cerebro inclusa teneatur, nec communicetur, in utilitatem aliorum satius transfundenda) A. R. P. Bernardinus Thenhaven, SS. Theologiae Lector Jubilatus, Almae Provinciae Saxoniae S. Crucis Fratrum Minorum S. Francisci strictioris Observantiae iterato Minister

DEDICATIO.

nister Provincialis, Nucleo præfente tanquam imbres mittit eloquia sapientiæ, palamque facit Disciplinam Doctrinæ suæ (Juris inquam Canonici in quinque Libros Decretalium distributi) magno labore comparatæ, & in salutarem posteritatis usum destinatæ; cujus impressione cum Officinam meam, bono similiter publico & Reipublicæ litterariæ insudantem, honorare dignatus fuerit, ejus Editio in Tuum hodie sinum confluit, Reverendissime Pater MARTINE PUTEANUS, præfati Ordinis inclytæ Nationis Germano-Belgicæ Commissarie Generalis, Poëtæ conformiter: *Purius ex ipso fonte bibuntur aquæ.* Puteus enim, seu fons, es, purissimis (si Theologiam spectem, quam duodennio gloriosè tradidisti) fertilissimis (si Provinciam Germaniæ inferioris considerem, quam integro ferè triennio, dum interim ad altiora vocabaris, laudabiliter gubernâsti) dulcissimis (si alias prædictæ Nationis Germano-Belgicæ Provincias examinem, quas olim honorificè & paternè visitâsti) scientiarum & virtutum aquis superabundans. Puteus es, habens aquam vivam, derivans ubique fluenta foràs. Fluenta Putei hujus in me gratiosè derivata censeo, cum prælum meum impressione NUCLEI
 JURIS

DEDICATIO.

JURIS CANONICI fœcundari sentio,
 qui, ut eò largiùs in aliorum manus &
 vota diffluat, omnes ad videndam lu-
 cem veritatis, & secundùm S. Romanæ
 Ecclesiæ Canones vivendum animans,
 ex Te tanquam ex Puteo viventis & vi-
 dentis effluat, utpote qui Juris seu Ca-
 nonici, seu Regularis peritiâ notissimus,
 NUCLEI hujus Autori ab annis bene
 multis amicissimus, meritorum famâ per
 Ordinem Seraphicum Clarissimus, imò
 pluribus seu naturæ seu gratiæ donis per
 Orbem clarior, quàm ut exilis hæc Pa-
 gella Laconicè queat comprehendere;
 nam Puteus es, in quo non sunt aquæ
 contradictionis, altus humilitate, clarus
 sinceritate, plenus affabilitate, perspi-
 cuus Religiositate, affluens & effluens
 omni meritorum ac venerationis abun-
 dantiâ. Hinc Revend.^{me} Pater, Com-
 missarie Generalis Dignissime, Paterni-
 tati Tuæ Reverend.^{mæ} profundè me
 inclinans, prælum NUCLEI JURIS CA-
 NONICI, operâ ac studio A. R. Patris
 BERNARDINI THENHAVEN, ex
 variis Juris Ecclesiastici Regulis, ejus-
 demque authenticis locis industriose
 eruti & congesti, & in distinctos suos
 Titulos clare digesti, (in cujus intelli-
 gen-

)(

gen-

DEDICATIO.

gentia Tu Reverend.^{me} Pater quoque
 fundatissimus, praxi longis ab annis pro-
 batissimus, & Jurium tum Regularium,
 tum Ecclesiasticorum zelosissimus) præ-
 lum inquam & laborem meum Tibi hu-
 millimè dedico, sperans futurum, ut
 hunc laborem meum oculo, quo soles,
 benignè respicias, Dignitate Tuâ pro-
 tegas & autoritate defendas, qui eò
 utiliùs in aliorum Juris Candidatorum
 usum & captum influet, quò faciliùs
 consuetæ benevolentiae Tuæ aquis cæ-
 peris affluere; quod dum animitùs opto
 & voveo, totum me Tibi & omnibus
 gubernio Tuo concreditis Provinciis ad
 quæcunque servitia placita devoveo, &
 seros Incolumitatis annos R.^{mæ} Tuæ Pa-
 ternitati intimiùs apprecans constanter
 persevero

Reverend.^{ma} Tuæ Paternitatis, &c.

Devotissimus Servus

Joannes Wernerus Van der Poll,
 Bibliopola Coloniensis.

MAN-